

# Kolej AB UMS, kekal kejuaraan pertandingan Debat Naib Canselor



DARI KAMPUS & SEKOLAH  
Oleh SITI AISYAH NARUDIN  
bustymessy@gmail.com

**B**AGAI meneruskan tradisi kejuaraan, Kolej Kediaman Anugerah Bestari (AB) Universiti Malaysia Sabah (UMS) sekali lagi menjuarai pertandingan Debat Piala Naib Canselor Kali ke-10 bagi kategori Bahasa Melayu (BM) Senior yang diadakan di Dewan Resital UMS, di sini Isnin lepas.

Tiga lagi kategori yang turut dipertandingkan termasuklah kategori sekolah menengah, Bahasa Inggeris (BI) Junior dan BM Junior yang mana UMS Kampus Antarabangsa Labuan (UMSKAL) memenangi



**RASMI...**Kamaruzaman memalu gong sebagai simbolik perasmian pertandingan itu sambil diperhatikan oleh Kasim (dua kiri), Talib (tiga kiri) dan AJK yang terlibat.

kedua-dua kategori BI dan BM Junior.

Bagi kategori sekolah menengah yang baru saja diperkenalkan untuk pertandingan kali ini menyaksikan Sekolah Menengah Sanzac Kota

Kinabalu menjuarai kategori itu dengan mengalahkan Sekolah Menengah Kebangsaan (SMK) Kuhara Tawau.

Pertandingan anjuran Exco Akademik dan Kepimpinan Kolej

Kediaman AB itu dirasmikan oleh Naib Canselor UMS, Brig. Jen. Prof. Datuk Seri Panglima Dr. Kamaruzaman Haji Ampon.

Ketua Pengarah Program, Nur Fatin Sarman berkata, pertandingan kali ini mendapat sambutan yang sangat menggalakkan dari kalangan mahasiswa memandangkan sebanyak 27 kumpulan menyertai bagi kesemua kategori.

Beliau berkata, program itu bertujuan untuk mengasah bakat orator dalam kalangan mahasiswa UMS sekaligus sebagai platform menjadi mahasiswa yang petah dan berintelektual.

"Melalui pertandingan seperti ini juga dapat membantu para peserta debat untuk memantapkan diri dari aspek akademik, sahsiah dan disiplin," katanya ketika ditemui Utusan Borneo baru-baru



**TURUT SERTA...**Kumpulan debat daripada UMSKAL ketika menerima trofi dari Kamaruzaman.

ini.

Menurutnya, ia turut mengeratkan hubungan silaturahim antara pendebat-pendebat UMS selain memberi pendedahan dan pengalaman tentang pengurusan organisasi yang mampu memupuk kerjasama antara Ahli Jawatankuasa (AJK) yang terlibat.

Selain itu katanya, para mahasiswa yang terlibat juga dapat melatih diri mereka untuk mempelajari selok-belok dalam mengurus program karnival yang berimpak tinggi seperti penganjuran pertandingan berkenaan.

Turut hadir, Timbalan Naib Canselor, Hal Ehwal Pelajar dan Alumni (HEPA) UMS, Prof. Madya Dr. Kasim Haji Mansor dan Pemangku Pengetua Kolej Kediaman AB, Talib Abdullah Shani.



**JUARA BERTAHAN...**Kumpulan debat Kolej AB masih mengekalkan kejuaraan sebagai kumpulan debat terbaik UMS.



**JOHAN BI JUNIOR...**Satu lagi kumpulan debat daripada UMSKAL yang menjuarai kategori BI Junior.



**KENANGAN...**Para pemenang merakamkan kenangan bersama Kamaruzaman dan tetamu jemputan lain.